

مجله علمی و ادبی

محل مطبعه و اداره :

جغـال اوغلانده امنیت

صندوقی جوارنده

شنکول یقوشنده

۲۵ نومبر

اضطار :

مسلكمزه موافق آثار

جدیده مع الممنونیه

قبول اولنور

درج ایدلهین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و مشور و اسلامیه در بحث ایدر و هفته در نشر اولنور .

آبونه بدلی

صاحب و مؤسسری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندربلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
۶۵	۳۵	۳۵
۶۵	۳۵	۳۵
۱۷	۹	۹

ممالک عثمانیه ایچون

روسیه

سائر ممالک اجنبیه

بشنجی جلد

۲۵ محرم پنجشنبه ۱۳ کانون ثانی ۳۲۶

عدد : ۱۲۵

قوتلری دکلدر . انسانك ، انسانلغك خاصه و مزیتلریدر . بالعکس روحك خاصه و قوتلریك سوق و ادارهسی ایچون لازم کلان قوانین و قواعددر . بونلر ایسه ولادی اولمایوب کسیدر .

تربیه اخلاق حسنهیی روحده تمرکز ایتدیرمک اونلری اعتیاد حالته قویق اساسنه مستنددر . بناءً علیه بر خوبی قازانق ویا ترك پك قولاید . فقط چالشمقسزین انسان هیچ بر شی قازانه مدیغی کبی سعی وثبات ایتکسزینده هیچ بر فضیلتی هیچ بر کوزل خوبی قازانه ماز . وینه سعی وثبات ایتکسزین هیچ بر رذائل هیچ بر فنا خوبی ده ترك ایدمهز . خلاصه ؛ اخلاق و فضائلک مجموعی آنجق سعی ایله ، تحصیل ایله کسب ایدیلر .

دوقتور حاذق

بخارا احوالنه دأر

شو صوك سنه لرده بخارا اولكه سی ، شو كنیش اسلام مملكتی داخلأ و خارجأ بر چوق غائله لره ، فلاكتلره معروض بولنیور . یقین ، اوزاق ، اخوت و مودتله مشبوع اولان عالم اسلام ، بو غائله لری ، بوفلاكتلری کورییور ، کوردکجه ده متأثر و متأسف اولیور . چونكه بو قطعه ده بولنان اوج بحق میلیون قدر مسلمانلر ، و قتيله اسلامیه ، انسانیه ، علوم و فنونه ، مدنیه ، بر چوق خدمتلر ایدن اعظامك ، اعظم ، اسلامیه نك احفادی بولنیورلر . اواجداد کرامك احفادی ، اخلاقی بوکون مظلوم بر وادییه ، درین براوچورومه طوغری یوارلانوب کیتمکدهدر . متفکرین اسلام بو حالک ، بو کدیشك نه قدر وخیم نتیجه لره منجر اوله جغنی تقدیر ایدیور ، کورییور ، بناءً علیه بخاریلره پك آجیورلر . فقط او فلاکتزده بخاریلر ، غوغای عزوجاه ایله ، تعصبات مفرطانه ایله ، یکدیگرندن آلنه جق انتقام ایله سرمست غرور اولمش ، اسلامیتی ، مدنیتی ، علوم و فنونی ، خلاصه بتون فضائل انسانیهیی اونوتمش ، کندیسینی عالم مدنیتده یکتا ، بتون فضائل بشریه ایله متصف ظن ایتمکده ، بویله درین بر غفلت ایچنده حفره انقراضه سور و کلنوب کیتمکدهدر .

سیاسیون اسلامیه دن القاص میرزا ، نصیبه تفکر دن محروم بیچاره مسلمانلری دوشونورکن دیمشدرکه :

چون پرده زروی کارما بر خیزد

معلوم شود که در چه کاریم همه

بخارایلرده بر کون کندیلرینک احوال پریشانلیری آکلایه رق یشیان اولورلر ، فقط وطنی ، اسنقبالی محو ایتدکن ، ایش ایشدن کچدکن صکره آکلامش اولورلرکه اونك هیچ اهمیتی اولماز . بوکون ارتکاب ایدیلن سیئاتك جزاسنی یارین بخارانك مضموم اولادلری چکه جکار . ایکله یهرك ، ذلت و حقارت ایچنده سور و کلنه رك کمال حیات ایده جکار . ممکن میدر ، بوکون بخارا رجالی ، علماسی بربریه اوغراشسونلر ، حالی هیچ نظر ملاحظه به آلماسونلر ، منافع شخصیه لری

حس ایدرسهك کیتدکجه چوغلان بر جهد و ثباتله فضیلتی تركله فضیلتی اکتسابه چالیشملی یز ؛ و فضائلک تکرار رجوع ایتمه سی ایچونده دائماً اونلری نظارت آلتنده بولوندیرملی یز . الحاصل مادیاتمزی قوتلریمك ایچون چاره لره اولدیغی کبی معنویاتمزی قوتلریمك ایچونده چاره لر واردر . هر کون انسان تکاملات مادیه و معنویه سی اوغرنده نلر یابدیغی ، عقلنك ، حسنك ، اراده سنك ، صنعتنك مسلكنك تکملی اوغرنده نه کبی حرکاتده بولوندیغی کندی کندینه صور مالی وار تکاب اولنان خطالر ، قصورلر و نقصانلری بریره یازمالی و بونلرک بر ده ا تکررینه میدان ویرلیمه چکنه جهد و اقدام ایتلی و اونلردن اجتناب ایتمه نك یوللری دوشونملی و نقصان اولان اوصاف و خصائل قازانمه چالشمالیدر .

علم روح ، منطق ، علم اخلاق بزه ، عقلمرك حسنیاتمرك ، اداره مرك تربیه و تمهیلرینك چاره لری بیلدیریور . و هر نه صورتله اولورسه اولسون سعيك ، اکتساب فضائلک مادیات و معنویاتمزی اصلاح ایده جك یکانه چاره لر اولدیغی کوسترییور . ائی رفاقت ائی مطالعات دخی بزی عین نتیجه یه سوق ایدیور . فراتقان اسمنده اخلاقیوندن مشهور بر عالم ؛ اون اوج اخلاق حسنه نك قازانیلمسینی کندیسینه وظیفه ایدیش ایدی که ، بونلر ، اعتدال ، قناعت ، سکوت ، انتظام ، قرار [ثبات] ، ساده لك ، صناعه ، صداقت ، عدالت ، تمیزك ، استراحت ، عفت ، محویت دن عبارتدر .

اوافق بر دفترک هر صیغه سنك باش طرفه بو اون اوج فضیلتدن بریسنی یازمش . صوکره هر بر صیغه یی عمودی بدی ستونه آرمش هرستونك باشنه هفته نك اسملری یازمش ، هر هفته بو فضیلتلردن بریسنه نظارت و تقیده بولنورمش . هر آقشام ارتکاب اولنان قباحتدن اجتناب ایدرمش . مثلاً ؛ بو هفته اعتداله رعایت ایدر ، کله جك هفته قناعته صره سیله بویله برسندده بو اون اوج فضیلتی درت دفعه تکرار ایدرمش . ایشته فراتقان بو سایه ده اخلاق حسنه نك ، فضائلک پك چوقلری تحویل ایتمش واك بویوك داهیلر صره سنه کچمشدر . بو حرکت طبقی بر باغچوانك باغچه دن فنا اوللری سوکوب آتهرن نباتاتی محافظه ایتسنه بکزره . ثانیاً ؛ سیاسیانده « آیر حکم ایت » قاعده سنی تطبیقدر . حقیقه انسان ، فضائلک هپسینی بردن کسب ایده مز اعتیاد قیچك دخی هپسینی بردن ترك ایده مز . فقط اونلری بر طاقم قسملره آروبدده هر بریسنی آیری آیری قازانیر ویا ترك ایدرسه موفقیت قولای حاصل اولور . خلاصه ، وجدانمز دائماً بزه ترك ایتمه مجبور اولدیغیمز خطاری ، قازانمه محتاج بولندیغیمز صفتلری کوسترر . علم روح ، منطق اخلاق بزه ائی و کوتوبی فضائل و رزائل بیلدیرر . ثبات و متانت سایه سنده پك چوق فضائلی قازانق و پك چوق رذائل دخی ترك ایتک ویا اونلره دوچار اولمقدن محفوظ بولمقی ممکندر . اخلاقیون دخی بالتجربه خویاردن برینی ترك ایدوب دیکرینی اکتساب ایتمه نك ممکن اولدیغی ارانه و اثبات ایتمشدر . « جان چیقما نیجه خوی چیقماز » تمیزی کلیاً مغایر حقیقتدر . اخلاق و قوانین اخلاقیه روحك خاصه لری

پشنده قوشونلر . آتی هیج دوشونمسونلرده صوکرآینه یشامق داعیه‌سنده بولنه بیلسونلر ؟ . استقبالی دوشونمین امت ایچون یشامق یوقدر .

بر عصر اولکی اجدادیز ، استقبال اسلامی دوشونمش اولسار ایدی ، بز هیج وقت بو کونکی ورطه فلاکت یوارلامه‌مش اولوردق . بوندن یارم عصر اول ، متفکرین اسلامدن برینک ، موسم حجه بر اجتماع لزومنی درمیان ایتسندن تکفیرینه قدر واریلعامش اولسه ایدی ، بز بو حاله دوشمه‌مش اولوردق . ایشته بزم بتون مصیبتلریز ، المریم‌رهپ اسلافک استقبالی دوشونمکلرندن مفرط بر تعصب ایچنده قالدقندن در .

ذاتاً حضرت قرآن‌زده « وما اصابکم من مصیبه فبا کسبت ایدیکم » دیه بتون مصائب وفلاکتلر ثمرات افعالمز اولدیغنی بیان بیورمشدر . ملتک اسباب انقراضی غرب متفکرینندن بریده نشریح ایدرکن « بر ملته کلن ظلم ، کندی جهلنک جزاسیدر . » دیمشدر .

ایشته انسان ، بونلری دوشوندکجه بوکونکی بخاریلر ، یاریشکی بخاریلر استقبالی محوایدیجی غدارلردر ، دیمکدن نفسی ضبط ایده‌میور . چونکه بخارانک تهلمکه استقبالیه‌سی هر طرفدن ، اوت هر طرفدن رونما اولمده ایکن وبالعموم خارجدن باقاندن بونی فرق ایدرک بوندن متأثر بولمقدملر ایکن ، بخاریلر حالا موقلملری آکلایه‌مدیلر . رقابت خسیسه شخصیه‌دن ، معناسر ، جامعانه تعصباتدن قورتولمیلر . ایکی سنه در بخارا داخل قاربشیق ، مذبذب بر حاله بولنیور . هرکون بر نزاع شخصییه ، هرکون بر فتنه فجیهیه بخارا صحنه اولیور . کتله متحده اسلامی آیران ، تارمار ایدن « سنیلک - شیعیلک » تعصبی یوزندن بخارا هرج و مرج اولدی . یوزلرجه اهل ایمان ، اهل توحید خاک هلاکه سربلیدی ، خانانلر سوندورلیدی ، عاداتا قرون وسطی وحشتلری اجرا ایدلیدی ، نتیجه‌سی هیج ، منجر اولدی ، بخارانک آتیشی تهلمکجه معروض بر اقلیدی ، اوزاقدن عطف اولنان انظار رقیان طوغری ن طوغرییه بخارایه نفوذ اتمکه باشلادی .

دیگر طرفدن ولایات ونواحی بخارانک بعض طرفلرنده ظلمک ، قوانین کیفیه‌نک آرتق طاقت فرسا بر حاله کلدیکندن اغتشاشات باش کوسترمکه باشلادی . حتی طوغریدن طوغرییه روس ادارسی وروس حاکمیتی ترجیح اولونمیه باشلادی وصورت علنیه‌ده بیله ایسته‌نیلیدی . بخارا روس قونسولوسنک مداخله‌سنه قدر ایشی واردی .

بز بخارا مملکتده متمکن خالص مسلمان قرده‌شلیریمزک حمیت مسلمهلرندن بوحرکاتی بکله‌میورز . بلکه دشمنلرک عالم اسلامک هر طرفنده اجرا اتمکده اولدقلری تزورات نتیجه‌سی اولمق اوزره تلقی ایدهرز . بوکون ایرانده ، افغانستانده ، فاسده بولنان رؤسای اسلامیه ومدیران اموره دشمنلرک ویرمکده اولدقلری پاره‌لر ، چویر-مکده بولندقلری نولابلر ، هپ عالم اسلامی یوتمق ، چکنه‌مک امی ایله یایملمده اولدینه کیم شبه‌ایدز ؟ ایشته بوسیاست افسادیه ، بوتویرات بوکون بخاراده‌ده اجرا اولمقددر . معاذالله بویوزدن بخارا حاضر بر

لقمه اوله‌رق یوتلمق تهلمکجه سنه معروض قالدققدر . بخارا شهر شهری علمانک تعصبیه ، مأمورینک منفعت خسیسه‌سیله هرکون بر جدالکاه اولیور . اردولردن ، طوبلردن ، تفکلردن ده قوتی . دهامؤثر اولان « مدنیت بخارایه صوقولسی ایسته‌نیلمیور . فقط مدنیت ، دکل بخاراده بولنان بش آلتی منفعت پرست خسیسلره ، عظمتی ملتله بیله غلبه چالمش وعلینه کیدنلری زیروزبر ایتشدر . مدنیت حقیقه‌نک حامیسی جناب اهدر .

بخارا منفعتپرستلری مدنیت حقیقه‌نک ، مکاتب مدنیه‌نک ، انتظامات جدیدنک بخارای شریفه دخوانه مانع اولمق ایچون نه قدر تعصب ابراز ایدرلر سا ایتسونلر ، نه درجه تکفیراتده . تزویراتده بولورلر سه بولونسونلر ، ینه اومدنیت کمال احتشام و وقار ایله بتون مواعی چکنه‌به‌رک دخول ایدر ، اوراده یرلشیر ، اولغ بکلرک ، فارابیلرک ، ابن سینالرک ... زمانی اعاده‌یه چالیشیر . فقط بوکونکی معناسر تعصبیلر ، مکاتب جدیده علینه اجرا اولنان قیاملر بخارا استقلالنی ، وطننی ، ملکینی تهلمکجه القا ، تسلط اغیاری دعوت ایده چکنی ده خاطرندن چیقارماملی در . بوتفرقه‌لر ، بوجاهلانه تعصبیلر بوکونکی بخاریلر ایچون شیندر ، استقباله موجب لغتدر .

شوصوک سنه‌لرده بخارا خارجا‌ده بیوک برتهلمکه قارشوسنده در ، بتون روس مطبوعاتنی « بخارا مسئله‌سی » اهمیتله اشغال ایدیور ، بخاراده اولان حبه‌لری قبه اوله‌رق کوستریورلر . الحاقی وردزبان ایدرک حکومتک نظر دقتی جلب ایدیورلر . حتی روسیه حکومت مدنیه‌سنک تحت حمایه‌سنده بویله وحشی ، ابتدائی برمماکدنک بولنمی روسلق ایچون بر عار اوله‌رق تلقی اولونمقددر . بخاراده جریان ایتمکده اولان تعصبات آرتق روسلرکده جانی صیقمقددر .

ایشته بوداخلی ، خارجی بخارا غوائلندن ، فجایعندن ، آنک نتایجندن شو صحیفه‌لرده بحث ایتمکدن مقصدمز ، حسیات اسلامیه ووطنیه مغلوب اولوب بخارالی قرداشلریمزک وبالخاصه حکمدار جدید امیرعالم خان حضرتلرینک نظر دقتلرینی بخارانک آجیقلی ، اسفلی حالنه جلب ایتک ایچوندز . بز بخارانک اصلاحات مدنیه وعلمییه‌سنی تحصیل عالی کورمش منورالفکر امیر جدید حضرتلرندن بکلیورز . امید ایدهرزکه ملکک ، ملتک رفاه وسعادتنه ، ترقی وتعالیسنه مدار اوله‌حق مکاتب جدیدنک ، مطبوعات محلیه‌نک کشادینه و تکثیرینه همت بیورلر . چونکه اران شبانک اک قیمتی وقتلرینی اوروبا مراکز مدنیه وعلمییه‌سندن اولان پترسبورغ دارالفنوننده ، دارالعلملرنده کچیرمش اولدقلرندن مدنیت وترقیاتک لزومنی بحق تقدیر بیوردقلرینه قناعت کامله‌مز واردر . اشته عالم اسلام ، بخارالی قرداشلرینک صرف ترقی وتعالی‌لرینه خدمت ایتکی صبرسنز لقله امیر جدید حضرتلرندن بکلیور .

بخار لیلرک ترقی وتعالیسی و اومملکت واسعه‌نک اصلاح اولنمی صرف سعادت بخاریانی موجب اولدیغندن کرک داخل ، کرک خارجاً هیج کیمسه بوندن متضرر اولماز ، روسلرکده بخاراده‌کی استفاده‌لری

چو غالب ، جهت تفعلری تضاعف ایدر . چونکه بخاراده اصلاحات اجرا ایدیلر سه استاد ، معلم ینه روسلر اوله جقدر . بخاراده کی معادن وفیره ینه روسلر سایه سنده چیقاریله جقدر . خلاصه روسلرک منافعی قات قات تضاعف ایده جقدر .

بناءً علیه حیت اسلامیة ، اخوت دینیة ایجاباتندن بخارانک ترقی و تعالیسنه ، مجد قدیمک احیاسنه همت و غیرت بیورملرینی فخرماتلو امیر عالم خان حضر تکرندن رجا و امید ایدر ، موفقیاتلرینی جناب اللهندن تمنی ایلر .

نور علی زاده

غیاث الدین حسنی

یمن احوالی حقنده رسمی تبلیغات

یمن قطعه سنک جهات شرقیه سنده صعود حوالیسنده متمکن وزیدی مذهبنه سالک اولان امام حمیدالدین وانک وفاقی اوزرینه اوغلی امام یحیی وعونه سی یمنک تحت اداره عثمانیده بولنان جبال قسمنه سین عیدددن بری تجاوز و برارالق مرکز ولایت اولان صنعایی استیلایه قدر تصدی ایلملرله حکومتجه بالذفات قوای عسکریه سوق ایله دفع و تنکیل ایدملرکن ینه فرصت بولدقجه تجاوزدن خالی قالمملری احوالیده استقرار امن و آسایشه مانع و اهالینک حضور و راحت سالب اولدیغندن و یکیدن سوقیات و حرکات عسکریه اجرا سنده او صره لرده امکان کوریه مدیکندن قطعه مذکورده تأمین آسایشه مدار اولمق اوزر یمنک جبال و تهامه قسملرینک بالتفریق ایکی ولایته تقسیمیه جبال قسمنک والیلکنه صنعاده قامت ایتک اوزره مومی الیه امام یحیا نیک تعینی و محلهجه مأمورین شرعیه و ملکیه و ضابطه نیک نصبی ایچون کندیسنه صلاحیت اعطاسی و جبات ایده جکی اموالک یکونندن مصارف محلیه چیققدن صوکره فضله قایر سه مرکز سلطنته کوندرلمی و صنعاده بر مقدار قوه محافظه بر اقله رق اردو مرکزینک مناحیه نقلی یولنده حکومتجه بعض مقررات اتخاذ ایدیلوب بر قانون مخصوص ایله قوه شرعییه تکلیف اولنش ایسه یمن ولایتی تقسیمات طبیعی اعتباریه جبال و تهامه ایله عسیر قطعه لرندن مرکب اولمق اوزره اوج قسم اولوب جبال قسمنده مقیم وزیدی مذهبنه سالک اولان مومی الیه امام یحیی نیک آنجق جبالده ساکن زیدیلر اوزرنده نفوذی جاری و تهامه و عسیر جهتلرنده مقیم و اکثریتی شافعی مذهبنه منسوب بولنان قبائل ایله یزلرنده مذهباً و مسلکاً اختلاف موجود اولمسیله جبال قسمنده تطبیق ایدیلر جک بو اصول ایله یمن قطعه سنک اقسام سائر سنده تأسیس و تقریر آسایش ممکن اوله میه جکی نظر تأمله آنده رق باخصوص اوصره ده عسیر جهتلرنده سید ادریس نامنده برینک ظهور یله کرک عسیر و کرک یمنک تهامه جهتلرنده ساکن قبائل و عشایری کندینه انقیاده عهد و پیمان ایتدیروب بعض موافقی حصر و تضییق و یولاری سد و قیامه قیام ایتسی ده بوملاحظاتی تأیید ایلر رک یمن مسئله سنک او یولده حل و فصلی ممکن اوله میه جکی آکلا شلمسیله یمن قطعه سی

حقنده حکومت اجراییه جه تدابیر اساسیه اجرایی قرار گیر اولمشدی . بالاخره مرکز جه حرکات عسکریه اجرایی مانع احوالده زائل اولمسیله حکومتجه یمن و عسیر ایچون بالجله لوازم و مهماتیله یکیدن قوای کافی عسکریه ترتیب و سوق و یمن رلایتندن بالتفریق مستقل متصرفلق حالته افراغ اولنان عسیر متصرفلق و قوماندانلغنه میرلوا سلیمان پاشا و یمن والی و قوماندانلغنه ده صلاحیت واسعه ایله میرلوا محمد علی پاشا تعیین و سوا حاکم محافظه سی ایچون ده غائب و طرر تخصیص اولنه رق قوای عسکریه نیک و رودینی متعاقب لحیه و زهره جهتلرنده کی قبائل تأدیپ و مسدود اولان حجور وجهه قنفده و ابهنا یولاری کشاد و جوارده کی قبائل دخی رهینه لر و یررک تحت اطاعت ادخال ایدلدی . آنجق حکومت سینه نیک اساس مقصدی سفک دمان اجتناب ایله جمله ممالک عثمانیه ن اولان حوالی مذکورده اهالینک مزاج و احتیاجنه موافق اصلاحات اجرایی و مرکز اطاعتدن خروج ایتش اولان قبائلک نعمت عدالتدن تأمین استفاده لر یله خلافت اسلامی و حکومت عثمانیه ارتباط لرینک و بوضورتله مملکتده حضور و آسایشک توثیق قضیه سی اولدیغندن بر طرفندن ده اراقه دمدن اجتناباً مومی الیه سید ادریس دائرة صلاحه دعوت ایدیلرک قوه سیاره قوماندانی سعید پاشا ایله عسیر متصرف و قوماندانی سلیمان پاشا کندر سیله ملاقی اولمشلردی . مومی الیه ده اوصیراده مقام خلافت عظمایه عرض صداقت و ادیسناه بولنه رق نام نامی خلافت پناهی به خطبه قرائت ایتدیردیکی کبی تکالیف امیریه نیک استیفاسنده و تلغراف حدودینک تمدیدنده حکومت و عسیر معاونه آتایی بالفعول ابراز ایتدی . عسیر قطعه سنجه شوضورتیه و قوعاتک اوکی آلمسی و یمنک جبال قسمنده ده اوئانده ده امام یحیی طرفندن سوقیات عسکریه یی ایجاب ایده جک حرکات تجاوز کارانه نیک عدم ظهوری حسبیه حکومت سینه تعقیب ایتدیکی مقصد عدالتکاری به بالمساله وصول ایچون حرکات عسکریه دن صرف نظرله یمن و عسیرده کی قوای منظمه دن طوپیچی و مترالیوزلری ابقا و پیاده طاہور لرینی ترخیص ایتدی ، بر طرفندن ده قطعه مذکورده نیک مزاج و احتیاجنه موافق تدابیر اصلاحیه به ابتدار ایدلدی . اول امرده اهالینک تمیاتی و جهله یمن و عسیر قطعه لرنده احکام شرعیه نیک تمامی اجرا سیله قصاصدن ماعدا تعذیرات شرعیه نیک محاکم شرعیادن صادر اولان اعلاملر اوزرینه در عقب انفاذی ایچون باراده سنیة خلافت پناهی محالرینه مأذونیت کامله و قصاص اعلاملرینک ده دائرة جلیله مشیخته بلا تأخیر تدقیقاتنک ایفای ضماننده ایجاب ایدلره اوامر لازمه اعطا و احکام شرعیه نیک سرعت تطبیقی تأمین ایچون جهت شرعیه دن یمنه برده هیئت تدقیقیه شرعیه تعیین و اعزام اولوندی .

یمن اهالیسنک درجه فقر و احتیاجی نظر دفته آلنه رق اوحوالیده اوتندن بری استیفایی معتاد بولنان و مقدار سنویسی سکسان بابک لیرایه بالغ اولان رسوم متفرقه دخی مجرد بر معامله رافتکاری اولمق اوزره مجلس عمومی قرار یله عفو ایدلدی .

اهالینک نعمت معارفدن تأمین استفاده لر ایچون مکاتبک تکثیر